



Der aller scharff sinnigst Euclides / hat den grundt


der Geometria zusamē gesezt wer den selben woll versteht / der darff diser
hemach geschriben ding gar nit / dann sie sind alleyn den
iungen vnd denen so sonst niemandt haben
der sie trewlich vnderweyft geschriben.

F Manfang thut not / so man die iungen / messen will le-
ren das sie wissen / was der grund sey darauß man myst / vnd wie da gemessen wirdet
Es sey eyn newerdachs / oder sorgemachts ding / Dreyerley ding sind zū messen / Erst-
lich ein leng / die weder breyt noch dick ist / Darnach eyn lēge die ein breyt hat / Zum
dritē ein lēge / die ein breytē vñ dicken hat / Diser aller ding anfang vñ end sind punct-
tē / Aber eyn punctt ist ein solch ding / das weder Groß Lēge Breyt oder Dicken hat / Vnd ist doch ein
anfang vnd ende / aller leiblichen ding / die man machen mag / oder die wir in vnsern synnen erdencken
mügen / Wie dan das die hochuerstendigen / diser kunst woll wyssen / vnd darumb erfüllt keyn punctt
keyn stat / dann er ist vnsererleylich / vñnd er mag doch auß vnsern synnen oder gedanken / an alle end
oder ort gesezt werden / Dan ich mag mit dem synn ein punctten hoch in lufft werffen / oder in die tyf-
fen sellen / da hyn ich doch mit dem leib nit reichen kan / Aber damit die iungen verstendig in gebreuch-
licher arbeyt werden / So will ich inen den puncttē als ein gemel mit eym tuff / einer federn fürsetzen /
Vnd das wort puncttē darbey schreiben / damit der puncttē bedewt wirdet / puncttē / . Wenn nun di-
ser puncttē / von seynem ersten anfang / an eyn ander ende gezogen wirdet / so heyst es eyn Lini / vñnd
dise Lini ist eyn lēge / an alle dicken vñ breytē / vñnd mag gezogen werden / so lang man will . Dise
Lini will ich mit einem geradenstrich hie entgegen mit der federn auffreissen / vñnd den namen Lini
darauff schreiben /  Auff das die vnrichtig Lini / durch den geraden wyß
im gemüt verstan  den werd / Dann durch solche weyß muß der inner-
lich verstand im euffern werck angezeigt werden / Darumb will ich alle ding / die ich in diesem büchlin
beschreib / auch darneben auffreissen / auff das meyn darthon / die iunge zū einer einbildung vor augen
sehen / Vñnd deß bah begreiffen . Nun ist zū mercken / das die Lini mancherley weyß gezogen mügen
werden / vñnd sonderlich sind dreyerley Linien / darauß vill zū machen ist / Zum Ersten ist eyn gerade
Lini / Zum Andern die Cirkellini / darnach ist noch eyn krumme Lini / die angeferdt mit der hand / oder
von puncttē zū puncttē gezogen mag werden / wie dan das etlich kunst anseygen / dardurch mancher-
ley verendung komen / Aber diese krumme Lini / weyß ich nit bah zū nennen / dan eyn Schlangen Lini /
darumb das sie hyn vñ her gezogen mag werden / wie man will / Des zū klarem verstand / hab ich
sie hie vñden auffgerissen vñnd ire namen auff ygliche geschriben.

Eyn gerade Lini /

Eyn zirkel Lini /

Eyn schlangen Lini /




Es ist zu merckenn / das dise obgedacht drey Linien mügen kurz oder lang gezogen werden /
 Vnd so mans erreychen möchte / vnd die zeyt nit hyndert / möchte die gerad Lini ewiglich hyn-
 auß gezogen / oder auff's wenigst gesunnen werden / Sy ist auch dreyerley weys zu brauchen /
 als auffrecht / vber zwerch / vnd vber ort / Aber die zirkellini / mag ganz oder zum teil gebraucht
 werden / vñ kan nit lenger gezogen werden / den von anfang wider dahyn / da sie angefangen hat / soll
 sie aber fort gen / so kombt sie wider in den vorigen vmlauff / Diese zirkellini mag groß oder fleyn für
 genümen werden / So man sie aber steygen macht / oder vnder sich felle / so wirt eyn Schlangen lini
 darauß. Aber die Schlangen Lini ist vnendlich züuerndem / darauß man wunderbarlich ding mag
 machen / Es sey in die Leng / Weyt / Höch / oder Tyff / vñ wie es wislich ist / das man allein vil seltsams
 dings / mit eynrer Lini machen kan / da von die nichts wissen / die im nit nach dencken / vnd auch hie we
 nig da von gemeldet wirdet / ist woll züdencken / was mit zweyen dreyen oder vill Linien auß zürichten
 sey / Vnd sonderlich so die Dreyerley vnderschyd der Linien / mit allen züfellen züfamen gebraucht
 werden / Dann es sind vil Linien zümachen / die an hilff andrer Linien nit können gezogen werden /
 Auch ist not zü wissen / was Paralell lini sind / im Latein also genant / die ich in vnserm deusch par
 Lini will heissen / Dis sind solch Lini / das sie allweg gleich weyt von eynander lauffen / man zych sie
 schlech / oder Schlangentrum / oder in zirkels weis / Man soll auch wissen / wo zwü Lini nicht gleich
 miteynander lauffen / das sie im end züfamen komen / vñ eyn spizen winckel machen / Darumb zwey
 Perpendicular neben eynander / Das sind zwü bleyschnür / die da neben eynander hangen / geben nit
 genzlich zwü auffrecht Barlini / Dañ sie lauffen im mittel puncten des erdrichs züfamen / vnd ma
 chen eyn spitigen winckel / Also thünt all Linien / die nit gleich miteynander lauffen / Entweder sie ko
 men im endt züfamen / oder aber sie lauffen stettig weytter von eynander / wie vorgemelt / Das aber
 die auffrechten wag Linien für barlinien gebraucht werden / ist auß der vsach / das sie so weyt als nem
 lich bis ins mittel des erdrichs zülauffen haben / der halb das vnserm synn im gesichte vnmerckentlich
 wirdet vnd ist / Aber diese sort der bar vnd wag linien / hab ich hie vnden auff gerissen / gerad schlangen
 krum / zirkelkrum / vnd wagrechte.

Gerad bar Linien / Zirkelkrum bar Linien / Schlangentrum bar Linien / wagrechte Linien



Man nun eyn wenig verstanden hat / was die Lini seyn / vnd jr vnderschyd / So will ich
 fürbas reden von der selbē leng die auch eyn breytten hat / die allweg mit gee / sie werd schle
 cht oder krum gezogen / Die nent man Planū im latein / aber in deusch weys ichs nit an
 ders zü nennen / Dann ein ebne / wie woll mancherley vnderschyd darinn ist / wie hernach
 folgt / Eyn ebne möchte erdacht werden die auff allseyten keyn end het / Aber von der selben woll wir hie
 nit handeln / Alleyn von denen die da anfang vnd endt haben / vnd die mit linien vmbzogen mügen
 werden / auff das sie eyn gestalt gewynnen / Der selben sind mancherley / der ich eynterls hie will an
 zeygen / Die erst ebne ist ganz gleich / also das sie weder hoch noch nyder oder krum ist / Zum andern ist


eyn runde ebne/wie eyn halbe kugel/Zum dritten/ ist eyn hohle ebne/wie eyn runder kessel/Zum vierden/
 ist eyn beülette ebnen/an etlichen enden hoch an den andern nyder/Es sind auch ebnen wie eyn brey-
 ter reiff/eyn vnd außbogen/mancherley weyß verkert/dann alle dise ding sollen vnd mögen zu der
 nutzbarkeyt gebraucht werden in den wercken/wo das nit geschicht/brichtman das haubt vergeblich
 mit/Erstlich will ich die erst rechte ebne mit einer rechten siring vmbzuyhen/dem thü ich also/ich reiß
 eyn zwerch lini. a. b. damit far ich eben vnder sich/als ferr so lang sie ist/so wirdet darauß eyn gefirte
 ebne/Aber eyn runde blatte ebne mach ich also/ Ich reiß eyn gerade lini. a. b. vnd halt die bey dem ende
 a. still an eynrer stat. Aber mit dem end. b. far ich herum/von dem anfang bis ich herwider vmb come
 So mache das end. b. eyn runden abschnytt/vñ bleybe der ort. a. eyn mittel puncte/vñ von disem puncte
 ten. a. ist vberall gleich weyt/an alle end der runden ebnen/Solchs hab ich hie vnden als auff gerissen.
 Eyn gefirte ebne ganz blat/ Eyn runde ebne Ein kuglete ebne Ein hohle ebne Eyn bogne ebne
 Ein beülette ebne/



S Nun von der leng vñ breyte/das ist die ebne ein wenig geredt ist/was sie sey/ So will ich
 nun sagen was die leng vnd breyte mit sambt der dicke sey/das sind die Corpora/auff den
 selben will ich etliche anseygen vnd leren/wie sie gemachte mügen werden/Erstlich nym
 die vorgemachte gefirte ebne. a. b. b. a. vnd far gerad mit vbersich/ als hoch als breyt sie ist/so
 wirdt ein recht gefirter würffel darauß/von gleichen seyten/von gleichẽ ebnen/vñ von gleichen winck-
 len/Darnach nym die vorgemachte rund ebne/vnd reis aus dem mittel puncten. a. gerad hynaus byß
 ans ende der runden/da sey ein. c. also das. c. a. b. ein gerade lini sey/vñnd sey auff die ein seiten aufer-
 halb der runden ebne ein. d. auff die ander seyten. e. Aber. c. a. b. sey die art/daran mus dise ebne umge-
 went werdt vom. d. bis zum. e. so reiß diser runder reiß/ein ganz runde kugel/die von aussen allenthal-
 ben gleich weyt zu irem mittel puncten. a. hat/ Doch mus im vmbwenden die art in den puncten. e. b.
 stett bleiben/also hastu zwey vollkome Corpora/Aber kein vollkumener Corpus ist/das allenthalbe glei-
 cher ist dann ein kugel/Dise zwey Corpora hab ich auff gerissen.


Eyn gefirt Corpus oder würffel/

Eyn runde kugel oder sper/



W Nun angezeiget ist/was ein lini/eyn breyte oder ebne/vnd eyn Corpus/das ist eyn leib sey so muh man auch wyssen / Das solche ding / sie seyen groh oder kleyn / durch kunst gemessen mügen werden/dann das maoh erreicht das fern vnd nahent / Nun will ich erstlich wider vornen anheben/ vnuud will etlich gemessen linien zihen / die dann in etlichen wercken dienstlich zu brauchen sind/ Es ist wysslich/ das auß einer lini allein villerley gestalt gezogen / vnuud im auffreissen/ angezeiget mügen werden / Aber erstlich will ich ein schnecken lini/ mit dem zirkel zihen/ auff einer ebne / dann es wirdet sich der planus oder ebne/ stetigs müssen brauchen lassen / es sey vmb der lini oder Corpus willen/ Dese schneckenlini reih ich also/ ich mach ein auffrechte lini die sey oben. a vnden. b. die theyl ich mit dreyen puncten. c. d. e. in vier gleiche felt/ Darnach teyl ich. d. e. mit einẽ puncten. f. in zwey gleiche felt/ darnach setz ich auff die rechte seyten der lini ein. g. auff die linck ein. h. darnach nym ich ein zirkel/vnd setz in mit dem einen fuoh in den puncten. d. vnuud mit dem andern in den puncten. a. vnd reih auff die seyten. h. byoh vnden in den puncten. b. Darnach nym ich den zirkel vnd setz in mit dem ein fuoh in den puncten. f. vnd mit dem andern in den puncten. e. vnuud reih gegen der seyten. g. byoh vnden in den puncten. b. Aber nym ich den zirkel/ setz in mit dem ein fuoh in den puncte d. vnd reih gegen der seyten. h. mit dem andern fuoh auß dem puncten. c. byoh in den puncten. e. Darnach setz ich den zirkel mit dem einen fuoh in den puncten. f. vnd den andern in den puncten. d. vnuud reih von dann auff die seyten. g. byoh in den puncte. e. Darnach setz ich den zirkel auff die lini. a. b. mit dem einen fuoh/ mitten zwischen. d. f. vnd den andern fuoh setz ich in den puncten. d. vnd reih von dann auff die seyten. h. byoh in den puncten. f. Also ist dise lini vrrig/ vnd ist zuuul dingen gebreuchlich vnd vnder andern/ ist sie zu einem hornreiffen/ an ein capitel nüzlich/ Vnd das destbah zuuersteen/ hab ich zwue gerad zwerchlini hie vnden auffgerissen/ auß den zweyen puncte. a. c. vnd von der schnecken lini hynder sich gezogen.


Dise Schnecken lini ist mit dem zirkel zogen.




W Nu will ich ein andre schnecken lini/ vnd einer andern weih zihen/ die in vil dingen zu brauchen vnd fast nüzlich ist / wirdet auch vil darauff erlern/ sie ist auch an der vorigen lini stat zu brauchen/ iren anfang nym ich auß dem mittel puncten/ von dann geet ir leng in die weyten/ so fern man will/ doch bleybt ir felt/ zwischen der oberlegung der liniẽ alweg gleich weit darzwischen/ allein im ersten vmlauff nit/ aber dise schneckenlini/ mach ich also ich setz ein puncten. a vnd reih ein zirkelris darum so weit ich die schnecken lini will lauffen lassen / Vnd teyl dise runde lini mit 12. puncten in. 12. gleiche felt/ darnach reih ich auß dem Centro. a. ein gerade lini ober sich byoh an den runden ryoh der ende sey. b. in den selben puncten setz ich. 12. vnuud heb die teylung der puncten des runden ryoh an zu zellen gegen der lincken hand/ 1/ 2/ 3/ 12 byoh herum auff die 12. Aber die gerad lini. a. b. teyl ich mit. 23. puncten in. 24. gleiche felt vnd heb am. a. an zu zellen/ 1/ 2/ 3/ 12 Darnach nym ich ein gerad richtscheyt vnd stich die puncten der ist gemelten lini. a. b. darauff vnd bezeychens mit iren byffern/ vnd leg das bey der myndern zal mit dem ein ort. a. auff den Centrum. a. vnd / mit dem ort. b. auff den zirkelryoh auff den puncten. i. vnuud wo dann das richtscheyt mit seim puncten. i. hyn zeyge

da se ich auch ein puncten. i. Also far ich zu ring herum zu allen zalen im zirkelrifs vnd las allweg das richtscheyt im Centro. a. stet bleiben/so werden die puncten des richtscheyt alle puncte der schneckenlini anseygen durch die zal wo man sie hyn setzen soll / Darumb merck eben auff die zal so kanst du nit irre werden/ Aber so die lini zwysach vber einander laufft/ vnd im zirkelrifs $\frac{1}{2}$ stet/ aber im vmlauffeten richtscheyt. 23. so hab acht das die zal des richtscheyt ordentlich farge/ dann zu der zal . 1. kumbt. 13. auff/ 2/ 4/ 3/ 5/ 4/ 6/ 5/ 7/ 6/ 8/ 7/ 9/ 8/ 20/ 9/ 21/ 10/ 22/ 11/ 23/ man mag auch dise lini viffeltig vberinander zihen/ wer seyn bedarf/ der meh: Die zal im richtscheyt mit den puncten/ vnd las die puncten im zirkelrifs vngeendert / dise schnecken lini ist hieby also auff gerissen mit allen ziffern / So man aber dise schnecken lini recht sehen vnd brauchen will/ muh man die zirkellini vñ das punct tirt richtscheyt mit allen jren ziffern dannen thun / dardurch dann die schneckenlini gemacht ist worden / vnd allein die schnecken lini mit jren puncten bleiben vnd ledig steen lassen / vnd wie sie gezogen sollen werden/ also hab ich sie zweymal wie obgemelt hie nach auffgerissen/ Vñnd sonderlich hab ich zu der ledigen schneckenlini zwu gestracte linien gethan vñnd vberzwerch gezogen gegen der linien hand / zu gleichenn winkel / die ober auß dem puncten . 12. da das . b. stet / aber die vñnder von dem puncten . 12. der schnecken lini/ auff das man sehe was vñderschydt sie gegen der ersten hab.

Die Schnecken lini/




Schnecken lini ledig/



Nun will ich diese egemachte schneckenlini/ noch ein mal verendern/ durch das punctirt rich
 scheyde. a. b. darauß die schneckenlini gemache wirdet/ die mus man anderst dann vor punct
 tirt/ das geschicht durch zweyerley linien/ einer krumen vnd geraden/ die da zusamen gefeset
 werden/ da eine durch die andern gemessen wirdet/ vnd eine der andern vngleich/ doch ver
 gleichlich/ wie woll durch vngleich teyl die mach ich also/ Ich reiß einn auffrechte lini/ als lang das
 richtscheyde ist damit ich die schneckenlini mach/ die sey oben. b. vnden. a. Darnach reiß ich ein zwerch
 lini. c. d. also das die auffrechte mit dem puncte. a. gerad zu gleichen wincklen darauß stehe/ Darnach
 reiß ich ein gerade ortlini. d. b. vñ nym ein zirkel vnd setz in mit dem ein fuß in den puncten. d. vnd mit
 dem andern fuß in den puncten. a. vnd reiß von dann rund vber sich byß in den ort strich. d. b. vnd wo
 sie die an rürt da setz ich puncten. e/ Darnach theyl ich diese krumen lini. a. e. mit. 23. puncten in. 24. glei
 che felt/ vnd reis auß dem puncten. d. gerad lini durch all puncten in. a. e. byß in die gestreckte lini. a. b.
 Vnd wo diese linien die lini. a. b. durch schneiden/ die selben puncte bezeichnen ich mit ziffern/ vñ heb
 oben vnder dem. b. an zu zellen. 1/ 2/ 3/ 4/ 22/ byß herab zum. a. aus dem erscheindt wie sich die felt zwis
 schen den puncten vber sich erweytern/ vñ vnden herab enger werden/ Dye puncten stich ich auff
 ein richtscheide/ das ich in der arbeyt im vmbblaffen brauchen will/ Solche zu rüstung hab ich hie vn
 den auffgerissen vnd merck sonderlich das auß diesem stück vill zu machen/ das hie nit angezeigt ist/
 Diese schnecken lini laufft nit parweis vber einander.



Nach diser lini. b. a. mus das richtscheyde zum vmlauff des schnecken punctirt werden.



Nun aber aussen zwischen der schnecken lini die sel noch mehr erweytern/ vnd hincin en
 ger machen/ so leyn die auffrechte lini. a. b. oben mit dem. b. gegen dem puncten. c. Vñ
 reis darnach die ortlini. d. b. wider zusamen/ so wirdt der zirkeltris. a. e. kürzer/ Darnach
 theyl all ding von neuen wider ein wie vor so finstu in der arbeyt ein gros endrung/ solchs
 ist auch oben im auffreissen zum theil angezeigt/ So nun die verendert lini. a. b. mit iren puncten auff
 das richtscheide gestochet wirdet/ alsdañ reis ein runden zirkeltris darin dein richtscheide vñ mit dem
 puncten. a. den Centrum/ vñ oben mit dem puncten. b. den zirkeltris anrür/ vñ setz oben auff den
 puncten. b. 12. vñ nym den gebrauch wie vor in der negsten schneckenlini angezeigt/ Doch wie du
 vor auß dem Centro heraus geloffen bist/ also laufft ist von dem euffern zirkeltris hincin/ Darum setz
 die ziffer der puncten im zirkeltris auff die ander seiten/ vñ heb an zu zellen. 1/ 2/ 3/ 4/ 22 so sichstu den
 vnderseide gegen der vorigen lini/ wie das hie vnden zwoy/ der fordern ordnung gemess auffgerissen
 ist/ da bey du sichst wie eins hübscher dann das ander ist.


Die geendert schnecken lini/

Die geendert schnecken lini ledig/



Stem so du auff eyn schnecken lini bey allen ziffern der puncten/gerad linien stelle wilt/die sich nach ordnung schicken/ So thu im also/nym eyn richtscheyt/ vnd laß das mit einem ort an vñ den Centro. a. vnd den andern teyl leg an den puncten. 12. vñnd reiß am richtscheyde von dannen gerade lini hyn auß/ Also laß das richtscheyde mit dem eyn theyl stetigs an dem Centro. a. still sten/ Aber mit dem andern theyl far zü rings herumb zue allen puncten der schnecken lini/ als da ist zue 1/2/3/4/12/ vnd reiß gerad linien hyn auß/ byß du herumb kumst zü dem Centro. a. diß sichstu hie vnden auff gerissen.


Wie man die Linien gebürlich auff die Schnecken lini stellen soll.



10

We du aber finden sollte nach ordnung die leng einer yetlichen geraden Linien / die da auff den Schnecken gefest würdt dem thu also / Nym eyn zirkel / setz in mit dem ein fuß in den Punkten .12. Vnd den Andern in den Punkten .i. vnd reiß vondañ rund ober sich / Dar nach setz des zirkels fuß in den Punkten .i. vnd den andern in den Punkten .12. von dañ reiß auch runde ober sich / wo sich dann die zwen runden reiß durch cynander schneyden / da setz eynn Punkten .c. Also thu zwischen allen Punkten der ziffern in der Schnecken Lini / als zwischen .1/2. vnd .2/3. vnd bezeichnen oben die schlüsß der runden Reiß nach cynander / Als .d.e.f.g.h. durchs ganz abc / so weyt es reycht / So du dañ mit geraden Lini zusamen zeichst .c.d. vnd .d.e. vnd .f.g.h. / also so durch den ganzen vmb lauff aller büchstaben / so schneyden sie dir ab die gestragten Linien die da gezogen sind aus den Punkten .1/2/3/4/5/6/7/8/9/10/11/12 / also durch die andern zall all / So du aber die bletter / die durch die runden Reiß worden sind / füglich mit eynn mittel Reiß teylen wilt / so reiß erstlich aus dem Punkten .c. darnach aus den Punkten .d.e.f.g.h. / geradt Linien gegen dem Centro .a. byß auff die Schneckenlini / Also komen diese ding ordenlich / das sihestu hieunden auffgerissen.


Wie lang nach ordnung die geraden Linien auff der Schnecken Lini seyn sollen.




SOrthyn will ich die Schneckenlini eynfach machen / vnd vom Eirkelreiß in Centro a. führen / auch wider bletter darauff setzen / Aber die geraden Linien / die durch die bletter gezogen werden / stendt anders / dañ die vorgestellten Linien / Erstlich reiß aus dem zentrum .a. ein zirkelreiß / vnd punctir in mit ziffern wie vor / Aber die auffrechte Lini / a.b. damit du vmbher ferst / die zerteyl mit .11. puncten in .12. gleiche felt / Vnd far dañ wider mit herüm / wie du vor bericht bist / vnd punctir die Schneckenlini / byß in Centro .a. Also ist diese Lini gemacht vnd zu vill dingen breuchlich / sonderlich ist sie auch zu eynem Bischoffstab zu brauchen / zu dem mus man in also thun / Zeich von dem zirkelreiß / auß dem puncten .6. eyn gerade Lini vnder sich / vñ brauch den halben zirkelreiß / mit der grössern zall / zu sambt der Schneckenlini / Aber den andern halben zirkel / mit der mindern zall / laß aussen / darnach nym ein zirkel / vñ setz in mit dem

ein fuß auf der zirkellini in de puncte. 9. vñ mit de andern fuß in de puncte. 7. vñ reys vondañ rund
 herauf/ eyn runde zirkeltrum/ darnach setz den eyn fuß in den puncten. 7. vñ reys mit dem andern
 fuß auß dem puncten. 9. herauf/ vñ wo sich die zwü krumen linien oben schliessen/ da setz eyn punct
 ten. c. vñ reys von der zirkellini/ auß dem puncten. 8. ein gerade lini in dem puncten. c. Also thü im
 auch zwischen den zweyen puncten. 9. vñ. 11. vñ setz oben in der runden schlyffung eyn. d. Darnach
 setz den zirkel/ mit dem eyn fuß/ im zirkeltrif/ in den puncten. 11. vñ mit dem andern fuß/ auff die
 schneckentlini in den puncten. 7. vñ reys von dann ober sich hynaus/ Darnach setz wider den ein fuß
 in den vorgemelten puncten. 7. vñ den andern in den puncten. 11. vñ reys von dan hynaus wo dan
 die krumen linien schlyffen da setz eyn. e. Also thü im darnach zu gleicher weis/ auff der schneckentlini/
 zwischen den puncten. 7/2. vñ. 3/5. vñ. 5/7. vñ. 7/9. vñ. 9/11. vñ bezeichnen oben jr schlüs/ nach
 einander. f. g. h. i. k. Darnach reys den blettern/ auff in der schneckentlini. geradt rys. e. 12/ f. 2/ g. 4/ h. 6
 i. 8/ k. 10/ Darnach bleibt noch ober ein trum zwischen. 11. vñ dem Centro. a. das zeich auch mit dem
 zirkel zú samen/ vñ der schlüs sey oben. l. Solichs wie oben beschriben/ hab ich also nachfolget zwifel
 tig auff gerissen/ Erstlich mit allen nöttigen rissen/ darauff diese ding gemacht sind/ darnach ledig/
 Diese verzeichnus ist zú vil dingen nützlich/ Auch ist diese schneckentlini/ ledig zú einem laubbossen zú
 brauchen/ wie ich das auch hie nach hab auffgerissen.

Dise Lini dint zu eynem Bischofstab.




Dise bloße lini des Bischoff
stabs!




13

Dise lini dienee
zu ein lawbofe
sen.




14

Es ist zu merken / das der zirkelrhyß durch welche eyn Schneckenlini gezogen wirdet / mit puncten so in vil theil geteilt mag werde / als man will / dan yhe in mehrtel er geteylt wirdet yhe generwer damit zumeßten ist / vnd in so vil theyl du die zirkellini teylst / so in vil theyl mustu alweg dein richtscheyt theylen / darauß du die schnecken lini eynfach wilt machen / Wiltu sie aber zwysfach tryfach / oder vierfach zc machen / so vilfeltig dein richtscheyt mit den puncten vnd zaln zwysfach tryfach oder vierfach zc / vnd lauff darnach wider mit herum / so sündt sich dein begern / Ob du aber sorgest / so du dein richtscheyt vilfeltigst / vnd im vmlauffen auß dem zirkelrhyß von der vngleyche zal wegen / die sich begeben vnd obereynander lauffen / du möchtest darin irren werden / so thū im also / So du die zirkellini geteilt hast / ich setz hie in $1/2$ teyl / so du dann dein schnecken lini / zwysfach / tryfach / oder vierfach wilt lassen herum lauffen / So theyl dein richtscheyt in so vil puncten du wilt / vnd setz die zyffer darzu $1/2/3$ zc byß auff 12 . Darnach heb wider an zu zellen $1/2/3$ zc byß auff 12 . darnach thū im wider also / vnd aber also / Vnd richt dein richtscheyt mit den zyffern / das die zal alweg zu sammen stymmen im zirkelrhyß vnd im richtscheyt / damit du herum lauffest / so kanstu nit irren werden / So nun die schnecken lini auff einer rechten ebne gezogen ist / will ich sie nachuolget von vnden vbersich ziehen leren / Es ist zu merken so man etwas machen will / soll man im vor seyn grundt setzen / es sey gebaw oder anders / Des halb kan man die schnecke lini nit woll vbersich führen / sie sey dan vor im grund auff einer ebne nider gelegt / Darumb reysß erstlich den grund der negst vorgemachten blossen schnecke lini mit sambe jrer zirkellini / darauß sie dann gemacht ist / wie sie dann da vorn stett / Aber alle jre bletter laß auffen / Doch mustu die zyffer beyden puncten in der schnecken lini verkeren das merck also / so du im zirkelrhyß herum komen byst / von 1 byß auff 12 . darnach drist du mit den puncten hynen in die schnecken lini / da hebt sich die zal aber an $1/2/3$ zc dem thu aber hie anders / so du von dem puncten 12 . der zirkellini in den ersten puncten der schnecken lini drist da dan vor eins stett / an die selb stat setz 13 . also forthyn in der zal byß auff 22 . So nun diser grundt vnden auffgerissen ist / alsdann reysß eyn auffrechte gerade lini auß dem puncten 6 . vbersich durch den Centrum a . vnd durch den puncten 12 . so hoch du der bedarffst / Vnd zu jrem end setz oben eyn a . dann der selb punct a . stett ob dem Centro a . Darnach schneyd vnden dise auffrechte lini a . mit einer zwersch lini $c.d.$ ab / der ort sey b . Dise lini $a.b$ theil mit 23 puncten / in 24 . gleiche felt / Ich will aber hie die felt vbersich in einer ordnung erlengen / wie voren angezeigt / Darumb nym ich wider den selben weg fur mich / alleyn die zwen buchstaben verker ich / das a . setz ich oben das b . vnden / des gleichen heb ich mit den zyffern vnden an zu zellen vbersich $1/2/3$ zc / So nun dise auffrechte lini geteylt mit jren puncten vnd zyffern mitten auff dem grund stett alsdan far ich mit einer auffrechte lini auß dem grundt des puncten 1 . vbersich durch die zwersch lini $c.d$. Darnach far ich auß der rechten lini $a.b$ auß dem puncten 1 . mit einer zwersch lini gegen der auffrechten lini / die auß dem grundt des puncten 1 . vbersich zogen ist / wo dann dise zwu lini eyn eck schliessen / da setz ich ein puncten 1 . dis ist der erst puncten / der da ansecht in der auffgezognen schnecken lini / Also thue ich im durch die ganz zal vnd puncten / des nyder getragten grundes vñ der auffgezognen lini $a.b$ zu beyden seyt / So punctirt sich die schnecken lini von dem vndersten puncten b . vbersich byß zu dem puncten a . darnach zeuch ich die schnecken lini von puncten zu puncten / Item so durch dise lini eyn schnecken streg / in ein durn dach gemacht wirdet / so soll die vnderst staffel vil lenger seyn dan die oberst / Vnd also hin auff nach ordnung ab geteilt werden / vnd ye mehr in spizen / ye mehr sollen nach obgemelten dingen die staffeln höher werden / wie ich das hienach erstlich den grund des schnecken / vnd darob den schnecken auffgezogen / mit allen nöttigen gestrackten linien / Vnd darnach die schnecken lini auch ganz ledig hab auffgerissen / Dise schnecken lini mag man eng obereynander zihen / oder rösch in die höch streycken lassen / darnach man die lini $a.b$ kurz oder lang macht / Dise lini ist zu vil andern dinge nutz / Auch hab ich den dryangel $a.b.c$ darauß ich die lini $a.b$ in jren teylen oben erlengt hab durch den zirkelrhyß a . e . mit aller zugehörung hernach auffgerissen / Item die obgemelten schnecken linien / mügen auch ecket gezogen werden so man allweg ein puncten oder zal zwischen zweyen auffen leß / merck in dem auffgezognen schnecken / so du zeuchst auß dem puncten b . byß auff 2 . ein gestrackte lini / von zweyen auff 4 . von 4 . auff 6 . cc Also forthyn durch auß bis zu dem end / a .



Dies ist der schnech
 auß dem grund auß
 gezogen / mit allen
 notdürfftigen linien
 darauß er gemacht
 wirdet.


Hie sich studen
Schnecken bloß



Auß diesem drys
angel. a. b. c. ist
die lini. a. b. dar
auß die schnecke
lini geteylt ist ges
macht.


Item noch eyn andre schneckenlini macht man auß eynem rechte zirkelrhyß/ die auch die steyn
 messen zu den stygen gebrauchen / sie wirdet aber billicher eynn schrauffen lini genant / doch
 man nenn sie wie man will so ist es eynn nüse lini / darumb will ich sie hynnach auch leren
 machenn / vnd wer suchen will mag vil darauß finden / Keyß erstlich eyn runden rhyß wie vor ange-
 zeigt auß eim Centro .a. den theyl mit einer aufrechten lini / durch den Centrum .a. in zwey gleiche teil
 vnd setz oben da der zirkelrhyß gerürt wirdet .12. vnd vnden .6. darnach far auß dem punctten .12. mit
 eynere geraden lini vbersich / so ferr du der bedarfft / der end sey oben .a. Darnach schneyd dise auff
 rechte lini vnden nahent bey dem grund des zirkelrhyß mit eynere zwerchlini .c. d. züglichen winkelen
 ab / der end sey .b. Darnach theyl den grund der zirkellini mit punctten in .12. gleiche theyl / vnd setz je
 zal darzü vnd heb zü negst bey der seyten .12. an züzelen .1/2/3/4/5/6/7/8/9/10/11/12/ byß du wider komst zü zwölffen / aber
 darnach muß die zal fort lauffen vnd so weyt du der bedarfft auß eynander gestelt werden / also kumt
 zum ersten .13. auß eins .14. auß .2. 22 / Also mag man die zal drey / vier / fünff / mal / vnd so offte man
 will vber eynander ziehē vñ führen / nach dem man eyn schnecke hoch mache will / So nun diser grund
 zügericht ist / als dann puncttir die auffrecht lini .a. b. so in vil theyl als du wilt / vnd setz die zyffer darzü
 vnd heb an bey end des .b. vbersich züzellen / 1/2/3/4/5/6/7/8/9/10/11/12/ Darnach far auß dem punctten des grundes .1
 auß der zirkellini vbersich durch die zwerch lini .c. d. darnach far auß der aufrechten lini .a. b. von dem
 punctten .1. mit einer zwerch lini gegen der auffrechten die auß dem grund des punctten .1. vbersich ge-
 zogen ist / Wo dann dise ein eck schliessen da setz auch ein punctten .1. also thue jm durch die ganz zal
 des grundes vnd der auß zognen lini .a. b. durch alle punctten / auch in der oberlauffung der zal /

So nun die schneckenlini allenthalben also puncttir ist / alsdann zeuch die schnecken
 lini von der hand darein wie ich dann das hynnach hab auffgeriessen / Item
 die schnecken lini mügen auch von punctt zü punctt ecket gezogen
 werden / Man mag auch ein solche schnecken zwifach machen in
 seinem gang / Erstlich macht man die spindel im schnecken
 gerad vnd ganz / So mag man sie auch holl mache /
 oder gewundene also das man von oben dar
 durch byß auf den grund sicht / wie daß
 die Steynmessen das in
 irem aufreissen sol
 len wissen zü mache /
 vnd durch verrückung der
 grundbretter in das werck ziehen
 Item auß diser vorgemelte lini macht man
 schrauffen von eim zweyen dreyē oder vier gengen 22
 da mit man so schwer vnd starck ding mag heben vnd
 brechen das sich des züuerwundern ist.




Diß ist der vorbe
schriben schnect
vnd seyn grund.


Stem noch will ich leren ein einfache schneckenlini ziehen / durch ein andern weg dan vor dem
 thu also / Mach ein rechten quadranten auff deusich ein firteil von eym zirkel . a . b . c . vnd
 das b / sey das Centrum / aber das a / oben / vnd das c / auff der seyten / Darnach teyl solch zirkel
 in eilff puncten in zwölff gleiche teil / vñ heb die zal an bey dem puncten . c / vñ zeich auß al
 len puncten auffrecht barlinien herab / byß in die zwerch lini . c . b . vnd bezeichnen sie mit gleicher weyß /
 mit den ziffern / als das zirkeltrum vnd heb auch die zal an bey dem negsten puncten nach dem . c . als
 so ist dise gerade lini . c . b . vergleichlich geteylt nach dem zirkeltrum . a . c . nun ist der erst grund zugericht
 Darnach reiß darunder auß einem puncten . e . ein halben zirkel / dem obem quadranten gleich för
 mig / also das die gerade lini die den halben zirkel von eynander schneidet / auffrecht sey oben . a . vnder
 b . vnd das Centrum . c . in der mitt . Darnach teil die halbe zirkellini mit eilff puncten in zwölff glei
 che felt / vnd heb die zal oben bey dem . a . an zuzelen / darnach zeich gerad linien / auß allen puncten der
 zalen in den puncten . c / Darnach zeich stram lini auß dem Centro . c . in all puncten der zal / darnach
 nym ein zirkel / vñ setz in in den obere quadranten mit dem ein fuß in das Centrum . b . vñ den andern
 fuß setz auff der zwerch lini . c . b . in den puncten . i . vnd nym dise weyten mit dem zirkel / vñnd trag sie
 herab in den halben zirkel / vnd setz den zirkel mit dem ein fuß ins Centru . c . vnd den andern fuß setz
 oben vnder dem . a . auff die auffrecht lini . a . b . vnd reiß von dann rund hyn auß byß an die streim lini . l
 c . zu disem puncten so sich gibe / setz auch die zal eins / Darnach nym den zirkel wider / vnd setz in mit
 dem ein fuß in quadranten / in das Centrum . b . vñnd den andern setz auff der zwerch lini . c . b . in den
 puncten zwey / vñnd nym aber dise weyten drag sie in den vndern halben zirkel / vñnd setz den zirkel
 mit dem ein fuß in den Centrum . c . aber den andern fuß setz auff die streim lini . 1 / c . vnd reiß rund von
 dann zu der andern streim lini . 2 / 5 . vnd zu disem puncten setz auch die zal zwey / Also thu im fürbaß
 zwischen allen streim linien des vndern halben zirkel riß / So du nun alle vorangeseigte weyten auß
 dem obem quadranten nymst / auff der zwerch lini . c . b . vnd tregst sie herab vnd bezeichens jr puncten /
 die da durch die zirkelriß worden sind / mit jren zugehörten ziffern / bey den streim linien / so wirdet die
 dardurch angezeygt wie du den gang der schnecken lini von aussen der zirkellini / von dem puncten .
 a . in Centrum . c . führen solt / von puncten zu puncten / wie ich dan solchs hie vnden hab auffgerissen / Item
 du magst allwegen den zirkel mit dem ein fuß der da vmlaufft in der auffrechten lini . a . c . b . stellen / vñ
 von dann reissen byß zu seiner streim lini dyß zeugt etwas sonders an / wie du im auffreissen sichtigst .




Tem auff eyn andre weis will ich eyn schnecken lini machen mit dem zirkel also/ Erstlich
 setz eyn Centrum. a. darauff mach ein zirkel rhyß / vnd theil in wie vor mit 12 / puncten in 12
 gleiche felt / vnd reiß von allen puncten in Centrum. a. gerad linien / vnd setz die zyffer dar
 zu / Heb zu oberst an vnd setz 12 darnach setz bey den puncten herum 3al / 1/2 / 3 / 2c byß wis
 der auff 12 / Darnach theil die lini 12 / a. mit 36 puncten in 36 gleiche felt / vnd heb die ziffer oben an
 bey dem puncten. 12. herab zu zelen / 1 / 2 / 3 / 2c Darnach nym ein zirkel / vnd setz in mit dem einen fuß
 in den Centrum / a. / vnd den andern setz an der lini / 12. a. in den puncten. 1. von dann reiß krum gegen
 der streim lini. 1. a. Darnach laß den zirkel mit dem ein fuß stet in den Centrum. a. still steen / vnd ver
 ruck den andern fuß auff der streim lini. 12. a. in den andern puncten 2 / vnd reiß damit ein runden /
 zwischen den zweyen streim linien / 1 / a. / vnd 2 / a. / Also verruck den ein fuß des zirkels auff der streim li
 ni 12. a. allweg vmb ein grad / vnd reiß mit nach ordnung rund rhyß zwischen allen streim linien / byß
 das du zum dritten mal herum kumbst / Also wirdet der zirkel durch das verrucken yhe mehr ye enger /
 byß das er schyr zum Centrum a kumbt / Sodas mit dem zirkel als gethan ist / alsdann zeuch die
 schnecken lini von punct zu punct / heb bey dem puncten 12 in der zirkellini an / vnd far zum dritten
 mal herum byß das du zum Centrum. a. kumbst / wie ich dann das hab auffgeriessen / mit allen nötti
 gen linien dardurch sie gemacht wirdt / vnd darnach lauter wie sie in jr selbs gezogen ist / neben eynan
 der gestellt.



Tem noch will ich ein schneckenlini ziehen / reiß auß ein Centrum. a. eyn ganzen zirkel rhyß /
 vnd theil in mit 6 / puncten in 6 gleiche felt / vnd setz die zal darzu / also das 6 oben steen vnd
 zeuch auß allen puncten der zirkellini streim linien in Centrum. a. Darnach theil die lini. 6.
 a. mit 7. puncten in 8 gleiche felt / darnach theil in wie vor / nym eyn zirkel vnd setz in mit dem eyn
 fuß in den Centrum a vnd den andern setz in den puncten. 1. in der streim lini. 1. a. also thu in für. vnd
 für durch die zal all / wie du das ab zunemen hast auß der vorrigen schnecken lini / söliches hab ich auch
 hie nach auffgeriessen mit allen nöttigen beystrychen vnd ledig.




Est von nöthen zu wissen / eyn fürgebene lini sie sey lang oder kurz / in drey gleiche theyl zu
 teylen / Dem thü also / die fürgebene lini sey .a. b. die setz vnden auff ein zwerch lini .c. d. darnach
 nym mit einem zirkel mynder dann die halb leng / von der aufrechten .a. b. vñ setz den zirkel
 mit dem ein fuß / auff die zwerch lini / c. d. neben die lini / a. b. / vnd miß damit .3. leng aufrechte
 ober sich / vnd zeuch ein gerade lini dardurch / also das sie paralel sey gegen .a. b. / Dese lini sey oben .e. vñ
 den .f. vnd die zween mittel puncten so die .3. gleiche felt machen / die bezeichnen mit ziffern / 1 / 2 / Dar
 nach zeuch von dem end / e / ein gerade ort lini herab auff das end .a. / vnd fort hyn auß byß auff die zwerch
 lini / c. d. vñ wo sie anrürt setz eyn g / Darnach zeuch auß dem puncten / g / zwü gerad ortlinien in die
 puncten / 1 / 2 / so wirdet die lini / a. b. / von dem durchschneiden der ort lini / die is gezogen sind in / 3 / gley
 che felt geteilt. Noch ein andre meinung / ein lini in / 3 / gleiche theil zü teylen mach vier zwerch barlinien
 mit ziffern / 1 / 2 / 3 / 4 in gleicher weyten obeynander / darnach nym dein fürgenüme lini oben .a. vnden
 b. vñ lein sie mit dem ein end / a. / oben an die zwerch lini / 1 / vnd vnden mit dem end .b. an die zwerchen.
 4. so teylen die mittlern zwü zwerch lini .2. 3. die lini .a. b. in drey gleiche teyl wie ich das hie vnden auch
 hab aufgeriessen. Item ehe ich weytter kome will ich vor eyn lini recht in der mitt von einander lere
 theylen. vnd das also / Die fürgegebene lini / sey ober zwerch .a. b. nun nym ein zirkel setz in mit dem ein
 fuß in den puncten .a. vnd den andern fuß in den puncten .b. vnd reiß vnd dann vnder sich vnd ober
 sich / so weyt du des bedarff / Darnach laß den ein fuß des zirkels still sten / in den puncten .b. vnd reiß
 mit dem andern fuß auß dem puncten .a. krum ober sich vnd vnder sich / Wo dann dese zwen zirkel
 byß sich schliessen / da setz oben ein .c. / vnd vnden ein .d. / Darnach reiß ein gerade lini .c. d. die schneidet .a.
 b. in der mit von einander / da setz ein .e. Item wer ein gerade lini auff ein zirkeltrum will setzen / der
 thue im züglicher weis / wie oben angezeigt ist / laß das zirkeltrum .a. b. seyn / vnd die gerade lini .c. d.
 auch soll man in ein holl zirkeltrum / so man des bedarff / der obgemelten meinung nach / ein aufrechte
 lini setzen / Solch beyde weg hab ich hie vnden auffgeriessen / vñ bey dem hollen zirkeltrum hab ich in
 der aufrechten .c. d. da sie durchschneydt ein .f. gesetzt.




Wen will ich leren machen ein lini/ die einem wolgestaltē ey gleich werde dem thū also/ mach
 ein gerade zwerch lini/ der anfang sey. a. vnd end. b. die teyl mit. 9. puncten in. 10. gleiche seite
 Darnach nym ein zirkel setz in mit dem ein fuß mitten auff die lini / in den puncten. 5. vñ
 mit dem andern fuß in den puncten. 3. vnd reiß ein ganze runde lini/ durch den puncten. 7
 oben vñ vnden herum/ Darnach setz ein zirkel mit dem eyn fuß / in den puncten. b. vñ mit
 dem andern fuß in den puncten. 3/ vñ dann reiß rund vnder sich herab/ Darnach setz den zirkel mit
 dem eyn fuß in den puncten. a/ vñ mit dem andern in den puncten. 7. vñ dann reiß auch vñ dann
 vnder sich herab/ wo dan die zwen runden ryß sich schliessen/ da setz ein. c. Darnach reiß vnder der zir-
 ckellini ein zwerch barlini gegen der oben. a. b. vñ wo dise zwerch lini von den langen runden rissen
 durch schneiden wirt/ in die selben puncten setz vnder dem puncten. 3. ein. c. vñ vnder dem punctē
 7. ein d Darnach reiß ein auffrecht lini auß dem puncten. 5. in den winkel. e. Vñ wo sie die zwerch
 lini. c. d/ durchschneit/ da setz 10/ Darnach theyl das zirkeltrum zwischen. 3. vñ. 10. mit eyn puncten
 f. in der mitt von eynander/ Darnach teil das ander trum zwischen. 10. vñ. 7. anch mit eyn punctē
 ten. g. in der mitt von eynander/ Vñ dann setz ein zirkel/ mit dem eyn fuß/ in den puncten. f. vñ
 den andern in den puncten. d. vñ reiß rund vnder sich/ durch die auffrecht. 5. e. Darnach setz den
 zirkel mit dem eyn fuß auff die ander seytē in den puncten. g. vñ den andern in den puncten. c. vñ
 reiß von dann vnder sich/ wo sich dan diese zwü krum linien schliessen an der auffrechten. 5. e. da setz ein
 h. Darnach teyl. h. 10. mit einem puncten. i. in zwey gleiche seite / vñ setz den zirkel mit dem ein fuß
 in den puncten. i. vñ dem andern in die zirkellini. c. h. auff das kürzest so du sie er reyhen magst /
 Vñ reiß von dann rund herum/ byß zu dem andern ryß. h. d. Also ist dise eyer lini gemacht / wie sie
 dann hie vnden mit allen nöttigen linien / vñ auch bloß auffgeriessen ist.

Ist nützlich zu wissen/ so drey puncte vngleich gestellt werden/ das man sie behend so man
 seyn bedarff/ in eyn zirckel verassen müg diß mach also / Die drey puncten seyen .a. b. c. die
 zeich mit zwey geraden liniẽ zusamẽ .a. b. vnd .b. c. darnach thu im zügleicher weis wie vom
 in der .21. figur angezeigt ist/ sũch die mittel beider liniẽ .a. b. vnd .b. c. vnd laß die zwü geradẽ
 liniẽ so die zwü für gegebenẽ liniẽ .a. b. vñ .b. c. yliche in der mitt von eynander teylen vnder sich her
 ab durch eynander streichen/ vnd so es not thut/ so erlenger die bed gerad teilliniẽ/ Darnach nym ein
 zirckel vñnd setz den mit dem ein fuß in den puncten .d. vñnd den andern in den puncten .a. vnd reiß
 darauff ein gangen zirckel riß/ so rüdt der zirckel/ die drey puncten .a. b. c. wie ich das vñden hab auff
 griesse.




Ach soll man wissen zu finden/ so ein weyter zirckel riß an ein gerade lini rürt/ das man dan
 enge halben der winckel so die liniẽ so nahe zusam lauffen / nit wol sehen kan / wo sie rüren /
 das kan man durch disen nachfolgetten weg zu wegen bringen/ Setz ein zirckeltrum .a. b. vñ
 eyn gerade lini die sie an rürt .c. d. Nym nym ein zirckel setz in mit dem ein fuß in das end .c. vñ mit dem
 andern fuß reiß ein wenig hynneyn gegen dem end .d. ein runden riß vnder sich vnd ober sich / wo dan
 diser riß die lini .c. d. durchschneyt/ da setz ein .e. Darnach nym den zirckel vñuerrückt / vñnd setz in mit
 dem ein fuß in den puncten .e. vnd reiß mit dem andern fuß rund durch das end .c. wo sich dann dise
 zween rund riß oben schliessen da setz ein .f. aber vñden ein .g. Darnach reiß auß den zweyen puncte .
 f. g. ein gerade lini/ wo dise lini die zwerch .c. d. durchschneyt da setz ein .h. wo sie aber durchschneyt das
 zirckeltrum .a. b. da setz ein .i. Darnach zeich auß dem puncten .i. ein zwerch barlini. gegen der obern
 zwerch lini .c. d. wo dann dise lini das zirckeltrum durchschneidt/ gegen dem end .b. da setz eyn .k. Dar
 nach nym die leng .i. k. vnd leg sie auff die lini .c. d. mit dem eyn end in den puncte .h. vñ jr leng schneyd
 gegen dem .d. mit einem puncten .l. ab / Darnach zeich .l. k. gerad zusamen so wirdt darauff eyn ab
 lang strung .h. l. k. i. nun so du das mittel wilt finden/ in welchem puncten die krum lini .a. b. die gestra
 ckt .c. d. anrürt / so nym ein zirckel / setz in mit dem ein fuß in den puncten .l. mit dem andern reiß durch
 den puncten .h. rund ober sich vnd vnder sich/ Darnach verker den zirckel / vnd setz in mit dem ein fuß
 in den puncten .h. vnd reiß mit dem andern fuß rund durch den puncten .l. ober sich vñnd vnder sich/
 wie das in der .21. angezeigt ist / wo dann dise zween runden riß sich oben schliessen / da setz ein .m.
 aber vñden eyn .n. Darnach reiß eyn gerade lini .m. n. wo dann dise lini/ die zwerch .c. d. durchschneyt
 da setz eyn puncten .o. der ist das ort/ da die krum lini .a. b. die gerad lini .c. d. anrürt/ wie du das hie vñ
 den auffgeriessen sihest.

Oben lini. a. b. in all puncten. $\frac{2}{3}$ / $\frac{4}{2}$ / $\frac{2}{2}$. also in eyn vntliche zal / so neyget sich dise outlini stetiglich /
 neher zu der bartlini / c / d / vñ macht für vñ für eyn engern winckel / darumb das sie stet neher zu der and
 dem laufft / vñ komen doch ewiglich nymmer meer zú samen / wie ich das hie vnden hab auffgerissen.




S mag ein ewige lini erdacht werden / die da stetiglich zú eim Centrum cynwarth / auch an
 dem andern teyl in die weyten ober einander laufft / vñ nymmer mehr zú keym end kombt / Di
 se lini kan man mit der hand der vntlichen größe vñ kleine halben nit machen / Dann jr
 anfang vñ end so sie nit sind / ist es nit zú finden / das fast allein der verstand / Aber ich will sie vnden
 mit eim anfang vñ end / so vil dan möglich ist anzeige / Ich heb an bey eim puncten. a. vñ zeich dise
 lini zirkelweis hynnein / als solt sie zú eim Centru lauffen / vñ so offte sie in eynander laufft / brich ich der
 weiten zwischē der lini ein halbteil ab / des gleichē thū ich / so ich mit der lini vom. a. heraus lauff / so offte
 ich mit jr ober eynander lauff / so offte gib ich der lini eyn halbteil zú / von der weyten / Also laufft dise lini
 ye lenger ye enger hynnein / vñ lenger ye weyter heraus / vñ kumbt doch nymmer meer zú keim ende /
 weder hynnein noch heraus wie ich das zúerstehen hie vnden hab auffgerissen.



S Denach will ich aber ein breuchliche lini lerē mache / die sich einen sondern weg beüget / Erstlich
 mach ein zwerch lini. c. d. die theyl mit 9 puncten in 10 gleiche felt / vñ auff den mittel punct
 ten 5 stel eyn auffrechte lini / zú gleichen wincklen die sey oben. a. vñ den. b. Dise lini. a. b. / theyl
 mit 19 puncten in 20 gleiche felt / vñ heb von vnden an zú zelen ober sich / $\frac{1}{2}$ / $\frac{3}{2}$ / $\frac{2}{2}$. Dar nach nym eyn
 richtscheyt vñnd stich die leng b. d. / darauff diser leng end bezeichnen mit e. f. / mit diser leng werden alle
 puncten der krumen lini anzeigt die man hie machen will oder soll / Dar nach nym eyn theyl auß b. d.
 vñnd teyl in in 3 gleiche felt / mit der selben dritteyl eimem / erlenger den fürgenomen theyl / vñnd nym eyn
 zirkel thū in auff so weyt diser erlenger theyl ist / vñnd behalt in stet / vñnd miß also mit / set in mit dem eyn
 fuß in den puncten. d. vñnd mit dem andern fuß reiß ein rundes zirkeltrum ober sich / Dar nach nym
 E


Dies sind die zwü krumen linien die durch vorbeschrybten weg gemacht werden,

die vorige leng. e. f. die du auff dein richtscheyd gestoch
 en hast / vñnd leg sie mit dem einen ende. e. an die auff
 recht lini. a. b in den puncten. 1. vñnd das ander end. f.
 leg auff das zirkeltrum das es anrür / daselb setz von
 newen ein puncten / 1 / Darnach leg dein richtscheyde
 aber von newem mit dem einen end. e. an die lini. a. b /
 in den puncten / 2 / vñ setz darnach den zirkel mit dem
 einen fuß in den new worden puncten / 1 / vñ mit dem
 andern fuß reiß eyñn rund trum ober sich wie vor / wo
 daß die vordacht lini mit dem end. f. die krumē anrürt
 da setz ein puncten / 2 / also thü jm darnach durch die
 gang zal so hoch du komen magst / darnach zeuch dise
 lini in jr krumē vō punct zu punct durch jr zal / dise li
 ni hab ich hernach zwifach außzoge mit einer kürzern
 lini. e. g. die krumen oben in der krum neher zusamenn
 dann vñnd / dis ist nachfolget also auffgeriessen.




Diese vorgemachte lini ist noch eins andern wegs zu endern / nemlich / durch ein solche meyn
 ung / Erstlich muß die lini. e. f. die verrückt wirdt vñnd damit dise lini gemessen wirdet gradirt
 vñnd verzeichnet werden mit .16. puncten in .17. felder / Des gleychen muß sie auch in einem
 ytllichen verrückten auß legen / vñnd der theyl einen abgesehnyten werden / Aber solche teyl der lini. e. f.
 müssen mit einer groß seyn / dann die grad sollen sich gegen dem. e. ergrössern vñnd gegen dem. f. kley
 ner werde / Solche endung der grad in dein richtscheydt zu steche / müstu finden auß dem vorbeschryb
 nen dwangel. a. b. c. durch den runden vñnd b. e. in der achten figur / doch neig die lini des dwangels. a. b
 fast von dem zirkeltrum. b. e. auff die seytē. so dann das zirkeltrum. b. e. mit 16. puncten in 17. gley
 che teyl geteylt wirdet / vñnd dann auß dem puncten. c. mit gestrackten linien durch die puncten in. b. e.
 gerissen wirdt / byß an die lini. a. b. so werden die teyl in a. b. gegen dem. a. fast groß / aber gegen dem b.

ten lini. a/b/ mit iren 19 puncten damit sie getheylet ist in 20 gleyche felle / vnd setz sie aufrecht / auf die
 zwerch lini b/c/ vnd mach die zwerch lini/b/c/ ein sechs theyl lenger dann die aufrecht/ a/b/ also das. a. b. c.
 vnd b. c. sechs hab/ Darnach zeich den ortstrich/ a/c/ vnd nym die f. argenomen kurz lini. a. b vnd leg
 sie vnden/ mit irem end. b. auf des dyangels winckel/ b/ vnd neig sie oben mit dem end/ a/ gegen dem c/
 byß das sie oben mit dem end/ a/ die ort lini/ a/c/ anrürt/ Darnach reiß auß allen puncten/ der langenn
 lini. a. b/ gerad ryß gegen dem winckel/ c/ wo dann dise streim liniem/ die kurz lini/ a/b/ durchschneiden/
 dahyn setz all puncten vnd zyfer der langen lini / a/b/ Also ist dise kurz lini/ a/b/ vergleichlich geteilt/
 doch werden die felle vnden herab/ zwischen den puncten ye lenger ye weyter/ vnd oben hinauf enger
 man soll auch mercken/ ye meer man die teyl in a. b/ vnden grösser vnd oben enger will machen ye len-
 ger soll man die zwü lini/ b/c/ vnd/ a/c/ machen/ so kan man die kürzer lini/ a/b/ oben dest weyter hynder
 sich leinen/ Doch wo es not thut mag man die lini/ a/ b/ die man in der theyllung endern will / kürzer
 oder lenger machen / damit sie den ortstrich/ a/c/ erreich/ Disen obgemelten dyangel/ mit der verender-
 ten lini. a. b. hab ich vnden aufgerissen.




So nun dise kurze lini. a. b. gemacht ist/ so stell sie aufrecht an der ersten beschribnen lini stat/
 a. b. darauß du die erst krum lini gezogen hast/ vnd gebrauch dich aller vorbeschribnen mes-
 sung/ durch die zal leng hoch vnd weyten/ wie das in der figur angezeigt ist/ vnd punctire
 darauß die new krumme lini kumbt/ Dise lini laufft dir bogens weis weyt ober die aufrecht lini. a. b/ dise li-
 ni ist zu brauchen in den blettern / vnder ein horn reifen vnder ein captel/ sie ist auch zu brauchen zu ein

churen dach/oben in den 14 grad/ Ich hab auch der maitren dieken hie bey angezeigt mit der innern li
ni/da ben du merckest wie vil die mauer oben dünner soll seyn dan vnden/diß gibt sich in der maß selbst/
Solchs hab ich hie vnden aufgeriffen.




Den nöthen ist den Steynmessen zu wissen / wie sie ein halben zirkeltrich oder bogen lini in
die leng sollen ziehen/das sie der ersten in der höch vnd sonst in allen dingen gemess bleyben
von der gewelb wegen die sie schliessen/diß wöll wir also machen/Mach ein vberlengte vier
rung/noch so lang als hoch/oben.a.b.vnden.c.d.Darnach teil die lini/c/d mit eym punctenn e/ in der
mitt von cynander/vnd nym ein zirkel/ setz in mit dem ein fuß in den puncten/e/ vñ reiß mit dem an
dem fuß auß dem puncten c ein runden trich vber sich herum/byß in den puncten d/ so rürt diser bogen
die ober lini.a.b. Darnach teyl die lini/.d/ mit eylf puncten in 12 gleiche felt/vnd far auß allen punct
ten mit geradē bartlinien vber sich in den bogē/Darnach mach neben dise vberlengte strung zu gleich
er höch vñ stellung/ein andie noch meer vberlengte stierung deins gefallens/die sey oben.f.g.vnden.h
i/vnd teyl sie mit eylf aufrechter bartlinien in 12 gleiche felder wie die erst/Darnach zeuch auß allen
puncten/des ersten bogens die durch die eylf aufrechten linien darinn worden sind/ober zwerch gerad
bartlinien/durch die aufrechten linien in der lengern stierung/wo sich dan die creuz linien schliessen/da
hyn zeuch die lengern bogen lini/vnd heb beym/h/an vnd zeuch sie von puncte zu puncte/byß du kumst
in den puncten i wie ich dann das vnden hab aufgeriffen.



Die alten haben angezeigt/ das man dreyerley schnydt durch ein kegels mag thun/ die da vnder
 schydlich von einander sind vnd die mit dem fuß des kegels mit ein gleyche zirkellini haben /
 sonst mag man den kegels in der mit von eynnander schneiden/ der wirdt geformbt wie der ke-
 gels/ des acht man auch nit/ Aber die andern drey schnydt machen/ ylicher ein sondre lini/ die selben liniē
 will ich lern aufreissen/ Den ersten schnydt heysen die geleerten Ellipsis/ der schneidet den kegels schleyms
 ab/ vnd nymbt dem fuß des kegels nichts weg / Diser schlemer schnydt mag an einer seyten höher/ an
 der andern nydier genämen werden/ also das ein seyten neher vnd die ander weyter zu irem fuß hat/
 Der ander schnydt ist im aufreissen/ ein barlini/ mit der seyten des kegels. a. b. oder vmb fert/ wie man
 will/ den die geleerten Parabola nennen/ Der dritt schnydt ist im aufreissen/ eynn aufrechte barlini/ mit
 der lini die da auß dem Centrum des kegels fuß oberstich gezogen wirdet/ in des kegels spiz .a. Den
 nennen sie Hyperbole/ diser dreyer schnydt namen weis ich auß deusch mit zusagenn / wir wöllem in
 aber namen geben/ dabey man sie kennen müg/ Die Ellipsis will ich ein eyer lini nennen/ darumb das
 sie schyer einem ey gleich ist/ Die Parabola sey genennet eyn brenn lini/ darumb so man auß irem spiez
 gel macht so zündt sie an/ Aber die Hyperbole will ich eynn gabellini nennen/ Nun so ich auß reiffenn
 will die eyer lini Ellipsis / muß ich züvor den kegels aufreissen/ vnd den schnydt darinn anzeigenn / des
 gleichen den grund darunder machen dem thü ich also/ Des kegels spiz sey oben/ a. vnd der fuß vnder
 b. c. d. e. nun reiß ich auß dem .a. ein aufrechte lini herab/ vnd der schlemer schnydt durch den kegels sey oben
 f. vnden .g. disen schnydt. f. g. teil ich mit 11 puncten in 12 teyl/ vnd heb die zal vnder dem .f. an. vnder di-
 sem kegels reiß ich seyn grund / so wirdt das .a. ein Centrum. vnd .b. c. d. e. seyn zirkellini / wie das der
 aufrecht kegels gibt/ So nun auß allen puncten aufrechte linien/ von im herab fallen in den grunde/ so
 durch schneyden dise linien/ als .f. g. vnd die zaln die darzwischen sind .1. 2. 3. 4. den zirkelriß/ die besei-
 chen ich auch mit iren bustaben vnd zifern/ So das gemacht ist alsdann nym ich ein zirkel/ vnd setz in
 im kegels mit dē ein fuß in die aufrechte lini .a. in der höch des schlemer schnydes. f. g. des puncten .1. vñ
 in diser höch setz ich den zirkel/ mit dem andern fuß/ herauß an die lini .a. d. vnd behalt dise weyten mit
 dem zirkel/ vnd drag sie in den nyder gedruckten grund / vñ setz den ein fuß des zirkels/ in den Centr.
 a. vñ den andern fuß/ setz ich auf die gestraect lini .1. vñ reiß rund hynauß gegen dem .d. bis wider zu der
 lini .1. Darnach setz ich den zirkel wider mit dem ein fuß in dē kegels auf die aufrechte lini .a. in der höch
 des puncte .2. des schnydes. f. g. vñ den andern fuß setz ich in die lini .a. d. vnd trag die selb weite wider
 in den grund/ vnd setz des zirkels einen fuß/ ins Centrum .a. vnd den andern fuß auff die gerad lini 2
 vnd reiß von dañ rund gegen dem .d. bis wider auff die gerad lini .2. Also thü ich im vort bis auff .4.
 Darnach went ich den zirkel in der zal .5. mitt dem ein fuß auf die lini .a. b. vnd drag das herab/ vnd
 reiß im grund rund herum/ auß dem Centrum .a. von der gestraecten .5. gegen dem .d/ bis wider zu di-
 ser lini / 5. Also thü ich im darnach durch die ganzen zal drag all ding auß dem obern kegels in grunde/
 Darnach mach ich auß disem grund die bloffe lini Ellipsis also / ich reiß die leng des schnydes. f. g. auß
 recht/ wie sie darn mit iren eilff puncten in 12 gleiche felt geteilt ist / vnd reiß durch all puncten eilff
 zwerch barlinien / Darnach nym ich die breiten auß dem grund / auß der geraden lini .1. so weit sie der
 zirkel abschneydt/ vñ drag sie zu dem schnydt. f. g. setz sie auß die lini .1. vnd punctir die breytē/ zu beiden


seytten/Also thü ich im durch die ganzen zal/so dann diese puncten zu rings herum gemachte sind/ als
 daß zeuch ich die eyer lini Ellipsis von puncte zu puncte/wie ich solchs hie bey hab aufgerissen.



Die Parabola ist gleicher weis zu mache/ als die Ellipsis/ Ich reiß erstlich den kegell. a. b. c. d. e. vñ
 die aufrecht lini. a. vñ schneid das parabel von oben herab bis durch des kegels fuß/ als
 so das diser schnit/ ein bartlini sey gegen des kegels seyten. a. b. vñ diser schnit sey oben f. vñ dē
 g. h. Darnach teil ich. f. g. h. mit eyß puncten in 12 gleiche teile/ vñ reiß zwerch linien durch all puncten
 in. f. g. h. vñ die so auf der seyten sten gegen. a. d. die selben zwerch linien zeuch ich von der aufrechtē
 ten. a an des kegels lini oder seyte. a. d. Aber die an der andern seyten sten die zeuch ich von der aufrechtē
 a. an die seyten lini des kegels. a. b. darnach mach ich dē grund des kegels vnder dem kegell/ des Centrū
 a. vñ zirkellini. b. c. d. e. ist. Darnach laß ich auß allen puncten der zifer vñ f. g. h. gerad linien / auß
 dem kegell herab fallē / durch den runde grund / vñ bezeichnen sie darinn mit iren ziffern/ zu gleicher weis


E iij




wie das vor im grund der eyer lini Ellipsis angezeigt ist / Dann setz ich den zirkel / mit dem ein fuß im
 grund ins Centrum .a. vnd den andern fuß auff die gerad lini .j. vnd reiß gegen dem .d. rund hinaus /
 bis wider zu der lini .j. Das thü ich auf allen gezifferirten linien / bis das ich gar zu .g. h. kumb / so sicht
 man von stund an vor augen / des parabels schnyt / im nyder getruckten grund / So das als vertig ist /
 so reiß ich die lini des parabels oder brenn lini / auß diesem grund also / ich reiß ein zwerch lini / stel darauf
 aufrecht / die höch des parabels / im kegell .f. g. h. darnach nym ich auß dem grund die breyten .g. h. vnd
 stell sie auf die zwerch lini / also das die aufrecht .f. in der mitt stee / vnd zeichen dise zween puncten mit
 g. h. Darnach far ich mit eyßf linien durch all puncten der aufrechten .f. so weit ich der bedarff / vnd
 drag auß dem grund alle breyten durch die zal / von allen geraden linien / die durch den zirkelris abge
 schnyten sind / zu der aufrechten .f. vnd punctir sie zu beyden seyten / das die aufrecht .f. allweg in
 der mitt bleib / Alsdann zeuch ich die brenn lini parabola / von puncte zu puncte / wie ich das hiebey hab
 aufgerissen.






Sdu aber auß dem Parabel oder brenlini / hie vorn gemelt eyn angünd spiegel mach
en wilt / so mach den kegel / darauß du das parabel schneiden wilt / mit seym spitz nit hö
her dann so breit vnden sein fuß ist / oder das der kegel ein rechter dreyangel sey / So du
dann ein parabel darein schneidest / vnd nymst die selb lini / vnd machst ein hollen spie
gel darauß / so schneydt in vorn ein wenig ab / so brennt er starck in dem punctten die zü
samen fallen / so die radi der sunnen darein geworffen werden / die sich wider herauß brechen / das zü
uersteen mußt du vor mercken / das ein ylich ding das sich in einem spiegel erscheynt / wie es hyn ein felt /
also bricht es sich wider herauß / vnd wirdet doch das dinnen gesehen an der gegenwertigen stat / des
das heraußen ist / darumb wirdet das linck recht vnd widerum / das will ich zü besserem verstand vnden
aufreissen / Also ich reiß ein zwerch lini. a. b. darbey verstee ein planen spiegel / oder ein wasser darein du
sichest / Nun stell ich ein licht. c. in der höch auf ein seytten / vnd stell ein mändlein dargegen auf die an
der seytte / das in den spiegel oder ins wasser sehe / des aug sey. d. so findt sich das licht. c. dem aug nit ehz
dañ byß die winkel des liecht. radi. c. vnd des gesicht. d. streim linien gleich werden / das begibt sich als
so / Wenn du auß dem punctte. c. darin sich die widerbrechung begibt / ein aufrechte lini ober sich zeuchst /
vnd ein zirkel mit dem ein fuß in disen punctten. c. setzt / vnd mit dem andern fuß von der lini. a. b. ober
sich herum reißt / vnd findest durch die maß das die radi des liecht. c. vñ des gesicht. streim lini. d. gleych
weyt von der aufrechten lini sind / so ist es der recht punctt darinn das licht funden wirdet / Wenn dan
dein gesicht vnder sich durch den spiegel streicht / vnd auß dem obern liecht. c. ein aufrechte lini herab felt
so findt sich bey der durch streichetten lini. d. wie tyf sich das licht im spiegel oder wasser erscheynt / Zü
gleicher weis nach seiner art / stossen sich die radi der sunnen / im spigel der auß der lini des parabels ge
macht ist hergegen / vnd fallen all herauß in einen punctten / vnd brennen starck / vnd was die vrsach
sey / das haben die Mathematici angezeigt / wer da will mag lesen / Dise mein öbre meynung sichst
du vnden aufgerissen .






36




Vn will ich fürbas aufreissen die gabel lini Hyperbole/ diß wirdet eben die vorig meynung sein/ ich reiß wider den kegel. a. b. c. d. e. / Darnach reiß ich in disen kegel / ein aufrechte barlini / gegen der aufrechten. a. die sey oben. f. vnden g h damit abgeschnythen wirdt die seyten/ d/ diß sen schnyet der gabellini hiperbole/ f/ g/ h/ teyl ich mit eylf puncten in 12 felt. vnd far auß allen puncte/ von f/ g/ h vnd zyfern/ mit barlini ober zwerch so weit ich der bedarf/ vnd reiß auf der seyten ein aufrechte lini/ f/ durch all dise zwerch linien/ Darnach mach ich den runden grund/ vnder dem kegel des Centrum. a. vñ zirkelrhyß. b. c. d. e. ist recht/ vñ laß den schnyet des kegels/ f/ g/ h/ durch disen grund schneyde/ vnd setz die buchstaben. g. f. h. darzu/ wie sich das auß dem kegel in grund wirft / Darnach nym ich eynn zirkel/ wie ich vorn angezeigt/ vnd nym mit die breyte des halben kegels/ auf einer yelichen zwerch lini/ der lini. f. g. h. vnd trag die herab in grund/ vnd setz den zirkel mit dem ein fuß ins Centrum. a. vñ reiß mit dem andern fuß gegen dem/ d / all zirkelrhyß/ die dañ ab geschnyden werden mit der lini/ g/ f/ h/ vñ setz jr zal darzu/ Darnach nym ich die breiten auß dem grund auf allen geraden linien / die zu beyden

seyten abgesehnyden sind worden / vnd drag sie zu der aufrechten lini / f / vnd kum mit zal auf zal / vnd punctir die breyten zu beyden seyten der aufrechten / f / neben dem kegel von der zal. 1. herab byß auf / g / h / Darnach zeuch die gabellini Hyperbole / von punct zu punct / wie ich das hic vnden hab aufgerissen / so eygentlich / ob schon keyn schryft dabey wer / vermeini ich / diß solt alles durch sehen kântlich seyn .




A Wer will ich ein lini zeichen / die in mancherley sachen zu brauchenn ist / die mach ich also / Ich reiß eyn lini oberzwerch / der anfang sey .a. vnd end .b. vnd heb nach dem .a. an zu zelen / vñ setz auf diser lini .16. puncten in gleicher weiten nach eynander / doch das zwischen dem end .b.

vnd dē puncten 16 ein trum vngeserlich ober bleib/ Darnach setz ich ein aufrechte lini/ auf die zwerch
 lini. a. b. in den puncten. 12. so lang die zwerch lini. a. 16. ist/ vnd punctir sie auch mit disen zalen / vnd
 zck von vndē ich ober sich/ Darnach nym ein richtscheide/ vñ stich darauf die leng. a. b. vnd setz das mit
 dem ein end/ auf die zwerch lini. a. b. in den puncten .1. vnd leg es in der aufrechten in den puncten. 1.
 vñnd wo das ander end des richtscheide hyn trift/ da setz ich auch ein puncten. 1. Darnach leg ich das
 richtscheid mit dem ein end auf der zwerch lini. a. b. in den puncten. 2. vnd erhebs an der aufrechten li
 ni in den puncten. 2. wo dann das ander end des richtscheide hinterist/ dahyn setz ich auch ein puncten
 2. Also thū ich im durch die ganzē zal der zwerch vnd aufrechten lini / biß das ich im durchschließen zu
 16 zaln kom/ Darnach zeuch ich dise muschellini vorn punctē zu punctē / wie ich dann hie vnden hab
 aufgerissen/ dise lini ist in mancherley weis zu verkeren .



D diser egemachten lini mag man ein werckzeug zu richten/ damit man sie machen kan lei
 chtiglich/ nemlich also/ Mach ein viereck et holtz so lang du seyn bedarffst oberzwerch / des an
 fang sey vorn. a. hinten. b. darcin stoß oben ein tiefe niet/ das etwas darinn hyn vnd her geführt
 mäg werden/ vnd theyl das holtz/ mit punctē vnd zalen in so vil theyl du wilt / vnd heb die zal bey dem. a.
 an/ Darnach mach in der mitt an ylicher seytē diser zwerch laden/ zwey aufrechte dünne richtscheide
 lein/ so lang das zwerch holtz oder ladē ist/ vnd das sie eng bey einander sten/ vnd punctir sie gleich mit
 der zal/ als das zwerch holtz oder die ladē punctirt ist/ vñ heb die zal vnden an/ Darnach mach ein feins
 lenslein/ so lang oder kurz du das habē wilt/ vñ mach im zühinderst ein umblaufes redlein/ das in die
 mitt der niet/ in der zwerch laden. a. b. gerecht sey/ darinnes hyn vnd her geen mäg/ Darnach schreib das
 lenslein zwischen die zwey richtscheitlein hinauf gegen dem teyl. b. vñ setz das hynden oder vnden mit
 dem redlein in die mitt des zwerch holtz/ gegē dem. a. in den erstē puncten. 1. vñ leg das lenslein zwischē
 den holtzern auch nider in den vnderstē punctē . 1. vnd wañ du dan mit dem redlein vnden gegen dem
 richtscheide ferst/ vñ so wey du hinein ferst/ so wey far allweg mit dem lenslein zwischē dein richtscheide
 lein ober sich/ biß das du vnden mit dem redlein durch die zwey richtscheidelein vnd gar ans end kumst /


wirdet dir das lenglein vorn mit der spis dise lini furen/wie sie werden soll / Dise mein methung hab
 ich nachfolget aufgerissen.



39


3

Aber ein andre lini die sey genant ein spinnen lini/ darun dz sie im aufreissen/ dardurch mans
 macht scheit einer spinnen enlich ist/ die mach ich durch ein zwifache bewegung also/ Ich reis
 eyn aufrechte lini. a. b. daran setz ich ein andre lini der end sey. c. vñ die lini. a. b. las ich im end a
 stet bleiben/ Aber das end. b. für ich in zirkels weis herum/ wie ich dan der end im vmblauf vberal mit
 b. verzeichent hab/ Damach soll im end. b. die ander daran gestossen lini. c. mit irem hyndern ende im
 puncten. b. auch stet bleiben/ aber das förder end. c. soll in zirkels weis herum geführt werden/ So dan
 die erst lini vngesürt/ vñ die ander anstosset auch sonderlich herum geführt wirdet/ so zeichent das end
 c. ein sonderliche lini/ damit aber dise lini gewys geführt werd/ so setz ich eyn zirkel mit dem ein fuß in dē
 punctē. a. vñ reis mit dem andern fuß eyn zirkellini vnder dem/ b/ die gradir ich auch in theyl mit zif
 fern/ dardurch die lini. a. b. von punctē zū punctē gewys gee/ Des gleiche thū ich in auch im punctē. b.
 vñnd so oft ich mit der lini. a. b. eyn grad gee / so oft gee ich auch ein grad im zirkel. b. mit der lini. c. so
 zeichnet das end. c. die puncten zwischen den jr lini zūsamē soll gezogen werden/ die ich vberall mit. c.
 verzeichent hab/ wie das nachfolgett aufgerissen ist.



Nachfolget will ich ein Instrument machen/ damit man an vil end/ hoch/ nyder/ zūn seyten/
 für sich oder hynder sich/ eyn schlangen lini deüten vñ reissen mag/ Solchs instrument wirdt
 an stangen gebogen gewendt vñ vmbgeriben / vñnd in glidern der stangen sollen schreiben
 seyn/ In der Centrum sollen die büg sein darin es vmb geet/ ein teil mag für sich das ander hynder sich
 oder wo man hyn will gebogen werden/ oder alle mit eynander für sich oder hynder sich/ vñ in welchen

stangen man will/ sollen sie also gemacht werden/ das man sie von grad zu grad auß eynander müg
 rücken erlangen/ oder in eynander schyeben vnd verkürzen/ Vnd ein ytliche stang soll gemacht werde
 das sie von grad zu grad gewent oder vmgeriben müg werden auf welche seytem man wili/ Man
 mag auch der scheiben vnd stangen vil oder wenig machen/ darnach man dis instrument brauchē wil
 Vnd die vnderst stangen soll aufrecht gestelt werden/ mit dem vndersten teyl fest/ vnd auf kein seyten
 gebogen/ Dañ alle ding müssen an dieser stangen vmbgeen/ aber in irem vmbgang mag sie durch all
 grad in dem zapfen vmbgeriben werden/ wie man will/ Aber das züuersteen/ will ichs also fürgeben/
 ich mach vier stangen / die haben oben vier scheiben als glider in der Centrum die stangen gebogē wer
 den/ vnd die scheiben sollen in irem zirkelkrys mit graden durch ziffer gezeichnet seyn/ Vnd die lezt
 kleinst scheibe/ soll nach irer maß ein lange nadel die auß irem Centrum geet habe/ die vmblauf/ dar
 durch der fürgenümmen lini gang anzeigt wirdet/ Dife nadel soll auch gemacht werden/ das mans
 auß eynander oder in einander schyeben / auf das man sie von grad zu grad lenger vnd fürher
 machen müg / Solch obgemelt instrument mag man mancherley weys verenderen / darnach es der
 gebrauch erfordert/ man mag es auch groß oder klein machen/ Aber von nöthen ist zumercken / das die
 stangen vnd scheiben/ nach rechter maß grösser vnd kleiner gemacht werden/ dann die hynderst soll die
 groß seyn/ die forderst die kleinst/ also das dis alles in der gestalt/ sterck vnd gewicht wolgeschickt sey/
 das zu machen sind also/ Zum ersten mach die scheibem durch ir groß in solcher ordnung/ als groß die
 die scheiben haben wilt/ reiß ein rechte strung. b. c. d. e. vnd setz ein puncten. a. in die mitt/ vnd nym ein
 zirkel setz in mit dem ein fuß in den puncten. a. vñ reiß mit dem andern fuß/ ein zirkellini die die vier sei
 ten der vierung an rür/ dis ist die groß der ersten scheiben/ Darnach reiß zwü gestrackt lini. a. c. vnd. a.
 d. vnd setz noch ein solchen halbtteil außerhalb. c. d. daran / des eck sey. f. so fundt sich die ander vierung. a.
 c. f. d. Darnach setz ein zirkel mit dem einen fuß/ mitten auf die lini. c. d. in ein puncten. g. vñ reiß mit
 dem andern fuß ein zirkellini/ die die seyten der kleinem strung. a. c. f. d. an rür/ dis ist die groß der ande
 ren scheiben/ darnach setz ein puncten. h. mitten auf die lini. b. c. vnd reiß ein gerade lini. a. h. so wirdet
 ein strung. h. c. g. a. darnach teil. a. c. mit ein puncten. j. in der mitt von eynander/ vnd nym ein zirkel
 setz in mit dem ein fuß in den puncten. j. vnd reiß mit dem andern fuß ein zirkellini / die die seyten der
 strung. h. c. g. a. an rür/ das ist die groß der dritten scheiben/ darnach reiß ein gestrackte lini. j. h. vnd setz
 außerhalb. h. c. noch ein solchen halben teyl daran/ das selb eck sey. k. so wirdet ein strung. h. k. c. i. Dar
 nach teyl die lini. h. c. mit einem puncten. l. in der mitt von eynander in disen puncten. l. / setz ein zirkel mit
 dem ein fuß/ vnd mit dem andern fuß/ reiß ein zirkellini der die seyten der strung. h. k. c. i. an rür/ dis ist
 die groß der kleinsten scheiben/ solchs stet in rechter ordnung / dañ die erst scheib ist zwey mal so groß als
 die ander/ die ander ist zwey mal so groß als die drit/ vnd die drit ist zwey mal so groß als die vierdt/
 Nun sollen die stangen ein ytliche viermal so lang sein/ als hoch die scheib ist / die man mit irem Cen
 trum darauf setz/ Darauf tregt sich zu das alle leng diser vier stangen/ mügen auß eytel außstrichen/
 oder diameter der strungen/ die sich auß einander vierungen genümen werde/ wie das auß der scheybē
 strungen genug angezeigt ist/ Item der stangen breytē müssen auch auß strungen genümen werden
 das merck also/ Die erst großt stangē mach breyt ein sibenschen teyl von irer leng/ danion schneid oben
 mit einer zwerch lini ein strung ab/ Darnach reiß auß dem mittel puncten diser strung zwü gerad li
 ni in die zwey seyten eck der strung/ vnd setz noch ein solchen halbtteil daran/ so wirdet ein strung halb so
 groß als die erst/ Darnach zeuch die breiten der andern stangen auß diser new worden strung / so wir
 det sie auch ein sibensche teil breyt von ir leng/ Darnach thū im zu gleicher weis mit der driten vñ vier
 ten strung/ oder ob du der meer wilt machen die auß einander vierungt werden / vnd zeuch allweg der
 stangen breite darauf/ so gewint ein ytliche nach irer maß ein rechte breytē/ also das eine eben ein form
 hab wie die ander/ Also schieben winden vnd reiben sich die stangē/ nach verruckung der strungen/ für
 vnd für vbersich/ vnd ire end deütten ein feine schneckenlini/ Vnd ob man in disē großt der stangen et
 was zirklichs will ein reißen/ das sind man durch disē oberürte meinung gleich ein züteilen/ dañ durch
 disē werde die bossen der grossen vñ klein ding gleich an einander/ Vnd welcher disē instrument machet
 der sech gar eben auf/ das die geng so man sie vmbfürnt nit an einander irren/ Auch heft die stangen in
 der scheyben Centrum / eine auf der rechten seyten/ vnd die ander auf der lincken/ an eynander/ also
 durch auß / vnd die stangen sollen züanderst vmb gewent werden in iren graden / vnd in der mit der




43


Die geraden linien / halten sich in der leng / gar mancherley sort in jren geschlechthen gegen eyn
 ander / der selben vnder schid will ich eins teyls anzeigen / darum das sie zūvil dingen nützlich sind
 dan man kan mancherley werck darauff machen / dieweil es nit schlechtlich bey den linien blei
 ben wirdet / sonder die mügen umbzogenn werden vnd ebne feldt oder ganze Corpora machen / wie
 dann das die werck auß nottorft erheischen / darauff vil breuchliche vnd nütze ding zūerfinden sind /

D iij


Erstlich will ich etlich lini im abschneiden ordentlich gegen einander erlengē / das verstee also. stoff zwue
 gerad lini. a. b. vñ. b. c. zūsamē / also das das. b. ein rechter winckel sey / vñ zeich ein gerade lini vber ort. a /
 c. / Darnach teil. b. c. mit. 4. puncten in. 5. / gleiche felt / vñnd reiß auß diesen puncten / 1 / 2 / 3 / 4 / gerad auß
 recht bartlinien vbersich byß an die ort lini. a. c. so werden dise linien all vier abgeschnyten / ganz verglei
 chlichen gegen einander / darauß man ebne oder Corpora ziehen mag / Dise meinung ist die schlechteste
 doch nützlich im gebrauch / darumb hab ich die vnden außgerissen.




Diner andern art / vñd doch die vorig meinung / will ich lini en gegen eynander erlengē / durch
 die verrückung der puncten / nemlich also / Mach ein zwerch lini / a. b. so lang du der bedarffst /
 vñnd setz vier puncten darauf / den ersten puncten / 1 / setz nahent bey dem end / b / den andern
 puncten / 2 / setz so weit daruon als du wilt / den dritten puncten. 3. setz zweymal so weyt von
 einander als / 1 / 2 / den vierten puncten / 4 / setz zweymal so weyt als / 2 / 3 / diser puncten mag man so
 vil setzen als man wil / auch in der erweiterung in der ordnung meer oder minder than / Vñd so die pun
 cten gesetzt sind / dann far auß inen / mit geraden bartlinien vbersich / so lang du der bedarffst / vñnd setz
 oben zū der lini / 1 / 2 / 3 / 4 / vñd dann zeich auß dem puncte / c / ein ortlini / damit schneid ab all auß
 recht lini lang oder kurz / so gewinnen sie ein rechte maß gegen einander / vñnd so man felder oder Cor
 pora auß in machen will / so findet sich jr breite vñd dicke oben / wen man von iren enden auß der ortlini /
 f / g / mit einer geraden lini vber zwerch / an die aufrecht lenger lini fert / vñ die zwerch lini behalten auch
 jr besonder maß gegen einander / wie ich dan das nachfolget hab außgerissen.





Nun will ich einer andern art/durch ein zirkeltrum/linien gegen einander ziehen/vnd ordne
 lich gegen einander erlengern/dem thū ich also/ Ich reiß ein zirkeltrum/b/c/ auß einem Cen
 trum/a/ vnd zeüch ein aufrechte.a.b.vnd ein andre zwerch lini.a.c.also das das.a.ein rechter
 winkel sey/Darnach theyl ich.a/c mit vier puncten in/ 5/ felt/vnd zeüch auß dem puncten 4 aufrechte
 barlinien ober sich ins zirkeltrum.b.c.vnnd wo sie das anrüren/ da setz ich auf die hal/ 1/2/3/4/ g/
 dise vier linien halten sich einer sonderm art gegen eynander/Darnach went ich das zirkeltrum mit
 seinen buchstaben vmb/also das/b/a/ober zwerch/vnd a.c.aufrecht werd/vnd dann zeüch ich aufrechte li
 nien/ auß den puncten des zirkeltrums.d.e.f.g/herab in die zwerch lini/a/b/ so halten sich dise linien
 auch einer sonderm art gegen einander/vñ man soll auch mercken/wie sich bey disen lengen all irer brei
 te vnd dicke begeben/vnnd wie sich ein yde in irer gestalt gegen der andern halt/wie ich das nachfolget
 hab aufgerissen.




Nachfolget will ich durch ein hol zirkeltrum/die linien in irem ab vnnd zunemen vergleichen/
 vnd anzeigen/was sie in einem plano oder Corpus für ein gestalt geben/so ir breite vnd dicke
 die zu irer leng gehört ersächt wirdet/dem thū ich also/Erstlich reiß ich ein aufrechte/rechte win
 ckliche oberlengte stierung/die sey oben/a/b/vnden/c/d/ vnd setz ein zirkel mit dem ein fuß in den punct
 ten.a/vnd den anden in das/b/vnnd reiß von dann rund ober sich/bis in die seyten/a/d/Darnach theyl
 ich die seyten.c/d/mit vier puncten in 5 felt/vnnd von dann zeüch ich vier gerad linien ober sich/bis an
 die hol zirkellini/vnd wo sie die rüren/da setz ich auf/ 1/2/3/4/ h/ Nun sichtigstu wie sich dise linien ge
 gen einander halten/vnd so sie oben mit einer zwerch lini abgeschnytten werden/was sie für ein breyte
 oder Corpus bis an die ander lenger lini erlangen/So ich nun dise stierung/auf ein seiten leg/also das
 d/a/oben vnd b/c vnden komen/vnd far auß den puncten der hollen lini.e.f.g.h.mit geraden linien her
 ab auf die zwerchen/b/c/so sichtigstu wie sie sich in der leng gegen einander halten/Vnnd so ich auß den
 puncten.h.g./se/ober zwerch far an die lenger lini/so sichtig man was es für ein ebne oder Corpus gibt/
 die mag man rund oder gefiert machen/Solchs sichtigstu nachfolget aufgerissen.



46



In andere meinung linien gegen einander zu erlengē schier durch den vorigē weg / mach oder reiß ein vierteyl eins zirkels. b. c. des Centrum sey. a. vnd teyl das mit / 4 / puncten in 5 gleyche felt / vnd far auß disen 4 puncten mit geraden linien / gerad vnder sich / auf ein zwerch lini / so finst du wie sich die linien gegen einander halten / vnd finst auch darauß /r breite vnd dicke / etwas dar auß zu machen / wie ich das nachfolget hab außgerissen.




47

Aber in summa / all aufrecht linien die ordentlich in gleicher oder vngleicher weitten neben einander / auf ein zwerch lini gestellt werdē / die sind dreyerley weis ab zūschneiden / mit einer holē / vnd außgebogē zirkellini / oder mit einer ortlini lang oder kurz / gibt ein ytliches sein sonder art / Vnd wie woll es vor als gemacht ist / so verstee es doch yst noch klerer / Reiß ein zwerch lini. a. b. vnd stell vier aufrecht linien darauß mit zysern / 1 / 2 / 3 / 4 / bezeichet / vnnnd zēuch bey dem end / a / ein rechte lini ober sich / Darnach nym ein zirkel / setz in mit dem einm fuß auf dise aufrechte lini / vnd den andern fuß setz vnden auf die lini. a. vnd reiß durch all vier linien hynauß / so werdenn sie durch dise art in rechter ordnung abgesehnyden / So du aber die


linien kürzer gegen ein ander wildt abschneiden / so thue den zirkel weytter auß / vnd setz in in der aufrechten lini. a. höher dann vor / vnnnd den andern fuß setz wider vnden in die lini. a. in die vorig stat / vnnnd reiß durch die andern linien hynauß / so werden sie kürzer abgesehnyden dan vor / Dis ist nun mit dem

holen ruz abgeschnyden / Aber mit dem außgebogen zirkel schneid die egemelten linien also ab / zeuch
 durch das end / b / ein aufrechte lini vber sich vnd vnder sich / vnd setz den zirkel mit dem ein fuß vnder
 auf die lini / b / den andern fuß setz auf die zwerch lini gegen dem .a. für die aufrechten / 1 / vnd reiß vonn
 dan durch die vier linien die du abschneiden wilt / So du sie aber im abschnytelenger gegen eynander
 haben wilt / so ruck den zirkel auf der lini / b / mit dem ein fuß vber sich gegen dem / b / vñ setz den andern
 fuß auf der zwerch lini / a / wider in den vorigen puncten / vnd reiß aber durch die vier linien / so werden
 sie lenger gegen einander abgeschnyden / Aber das ich den zirkel auf den geraden linien / a / oder / b / ver
 setz / geschicht von rechter geschickligkeyt wegen / Dann der Euclides beyst in seym dreyten buch seynere
 element / im zehetten theorema in der eylften proposizion / wenn ein grosser oder kleiner zirkel / innen an
 einander rüren / so stend alweg die zwen Center beider zirkel auf einer geraden lini / Auch weist alweg
 dise gestracte lini die durch beide Center gezogen wirdt den puncten da die zirkel an einander rüren /
 das verstee also / Reiß auß dem Centru / a / ein zirkellini / 1 / 2 / 3 / vnd setz in disem feld der rundung / eyn
 puncten / b / wo du hin wilt / darnach nym ein zirkel vñ setz in mit dem ein fuß in den puncte / b / vñ mit
 dem andern in die zirkellini / 1 / 2 / 3 / vnd reiß ein kleiner zirkellini wie sie sich begibt / diser zirkellini Cen
 ter ist das / b / so du dann ein gerade lini reiß / auß dem Centru / a / durch das Centru .b. bis an die zirkelli
 ni / 1 / 2 / 3 / so zeigt dise gerad lini allweg an / wo die zwü zirkellini an einander anrürē / solchs gebrauch
 dich in vorgesezten abschneiden der linien / wie woll man den zirkel anderst setzen mag / das ist aber
 geschickter / Aber mit einer geraden lini schneidet man auch die vier fürgestelten linien ab / also das sie
 sich gegen einander meer oder mynder erlengen / das merck also / Setz den puncte darauf du mit der
 lini abschneiden wilt / in das end der zwerch lini / a / vnd reiß dan darauf gestracte linien / durch die vier
 aufrechten / hoch oder nyder / dardurch du die vier linien vil oder wenig / gegen einander erlengen wilt
 wie ich das nachfolget hab aufgerissen .

48




Die geraden linien / die gegen einander abgeschnythen werden / die sind dreyerley art / die zwey
 erley geschlecht macht man durch zal / die ersten durch ein gerade zal der wurzel ist / 2 / die an
 der durch ein vngerade zal der wurzel ist / 3 / Darnach halten sich die linien einer solchen maß
 gegen einander die man durch die zal nit mag auß sprechen / dise drey ding verstee also / Zum ersten setz
 vier linien neben einander / vnd brauch dich in der abteilung der geraden zal / die erst lini halt .2. die an
 der .4. die drit / 8 / die viert / 16 / Aber die vngeraden andern vier linien / die erst helt .3. die ander / 9 / die drit
 27 / die viert / 81 / Also mag man die gerad vnd vngerad zal in bederley geschlecht der linien meern oder
 myndern vnd nit alweg doppel gegen einander brauchen / wie das ein ylicher der ein wenig rechnen
 kan leichtlich versteeen wirdt / Man mag auch mit einer einfachen zal durch die linien steigen / Aber
 wie man die linien die man durch die zal nit teylen kan / teylen soll / ist in der negsten fordern figur an
 gezeigt / vnd die zwey geschlecht der geraden vnd vngeraden zal in linien zu brauchen / hab ich vnden
 anfgeryssen / der mügen sich auch die Steinmessen gebrauchen in den außzügen / Auch mag man die
 se linien lenger vnder sich hynab zuehen auf ein zwerch lini so halten sie sich aber anders dann vor / ge
 gen einander.




Dem wenn du zwü lini hast ein lange vnd ein kurze / vnd wilt ein dritte vnd kürzeste darzu fin
 den die in vergleichlich sey / Also wie sich die zwü fürgegebene linien / die kürzer gegen der lengerē
 helt das sich auch die new erfunden vnd mynst gegen der mittlern auch also halt / dem thū also /
 Stos die zwü linien die lang vnd kurz / nach der leng vber zwerch an eyinander / vnd heb bey der langē
 an vnd bezeichne jr beder leng / a / b / c / Darnach nym die leng der kürzern lini / b / c / vnd setz sie mit dem
 puncten / b / in den puncten / a / vnd neig sie mit dem puncten / c / woll nyder gegē der zwerch lini / a / b / c

vnd zeich dann von der geneigten lini auß dem puncten/c/in den puncten/b/auf die zwerchen cymt
 gerade lini/ dise ortlini macht ein dwangel/a/b/c/Aber die vorgemelt kürzer lini/b/c/ laß follet gerad
 hynaus streichen/so weit du der dürfen wirst/ Darnach zeich ein gemesse barlini gegen der ortlini/
 b/c/ auß dem puncte/c/der zwerch lini/wo dan dise ortlini die fürstreichet leinent lini/b/c/durchschneid
 da setz ein/d/so wirdet die lini/c/d/ein vergleichliche lini gegen den zweyen fürgebneen linien/a/b/c vnd
 doch die mynst/vnd helt sich eben gegen der mittlern wie sich die mittler gegen der grössern helt/ Dan
 die zwä barlini/c/d/vnd/b/c/teylen vergleichlich dise linien/dyß ist fast ein nützlich ding zu wissen vnd
 zūvil dingen breuchlich.

50



Noch ist durch ein gerade ein krum lini durch krumē liniē zūteylen also/ Reiß ein zirkeltrum
 a/b/vnd reiß darnach/a/b/gerad zūsamē/vnd teyl dise lini mit zweyen puncten./1/2/in/3
 teyl/vnd setz ein zirkel mit dem ein fuß/ in das/b/vnd mit dem andern reiß oben rund durch
 das.a./Darnach laß den zirkel mit dem ein fuß/ in dem puncten .b. still steen/vnd thū den zirkel en-
 ger zū/vnd reiß auß dem puncten.1.ein zirkeltrum/durch das zirkeltrum.a.b.also thū jmauch auß
 dem puncten.2.so bleibt das.b.das Centrum zū allen dreyen ryssen/wie ich das viden habaufgerys-
 sen/dise teyllung ist zūvil dingen nüt.



Sod wie ich hie fom angezeigt / also hab ich etlich lini aufgerissen / aber der sind noch an hal vil zu ziehen / zu allerley notturft / darauf man wunderliche werck kan machen / Bind wer dem fõ: dem nach sinnet / vnd mit der hand angreift / der wurdet seyn nutz darauf finden / vñ weytter gefürt.



[Faint, illegible text, possibly bleed-through from the reverse side of the page.]

